



Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 52. Res Remenses ac Bellovacenses.

[urn:nbn:de:hbz:466:1-66268](https://nbn-resolving.de/urn:nbn:de:hbz:466:1-66268)

Sæcul. XIII.
A.C. 1235. Hujusmodi reis non licebit ulli familiæ sacræ nomen dare, ne Religiosos simplices depravent. A carcere neminem excipietis: non vir uxorem, non uxor vi-
rum, non parentes liberi sui, nec alios se-
nectus & infirmitas immunes facient.
e. 19. e. 20.
e. 21. Inquisitorum jurisdictionem definiet son-
tis domicilium, aut locus commissi cri-
minis: & alter alteri scribet, quæ de reis
sciverit. Neminem nisi convictum vel
confessum condemnabitis: præstat enim
facinus impunitum relinquere, quam in-
nocentem damnare. Qui autem juridi-
co ex more convictus pertinaciter nega-
rit, hæreticus censabitur, quidquid cæ-
teroquin fecerit, ut hæresin excusisse vi-
deretur. Denique recensentur signa, per
quæ cognoscantur illi, qui ab hæreticis
Credentes vocabantur.

§. LII.

Res Remenses ac Bellovacenses.

Interea Gregorio Papæ Archiepiscopus
Remensis Henricus Broniensis conque-
stus est de civibus ipsius jurisdictionem
Sup. §. 17. profanam impugnantibus. Cum Rex ab
Episcopo Bellovacensi, & quod conse-
Marlot. to. 2. quebatur, ab Episcopis provinciæ Re-
lib. III. c. 31. mensis dissideret, populi hac occasione
ad excutiendum profani Ecclesiasticorum
principatus jugum utebantur. Cives
Remen-

Remenses Regias partes secuti, prium Sæcul. XIII.
ex urbe Thomam Bellomesium Eccle- A.C. 1235.
fiæ Metropolitanæ Præpositum sub ob-
tentu libertatis Clericorum tuendæ tur-
bas concitantem pepulerunt: deinde Ar-
chiepiscopo de profanis quibusdam juri-
bus controversiam moverunt. At Ca-
nonici Præsulis sui causam amplexi, jure
communitatis, quod cives sibi arroga-
bant, in contentionem adducto, a Papa
Quæsitores obtinuere, qui rejectis Con-
fulum sententiis eos in curiam Roma-
nam vocarunt. Re Remis pervulgata a
civibus in furorem actis Canonicorum
quorundam domus destructæ, ipsi injuriis
onerati, & omnes ex urbe una cum ipso
met Archiepiscopo fugati, occupati ejus
annui fructus, illius castrum ad portam
Martis vi captum, ejusdem domestici a-
liquot perempti fuere. Archiepiscopus
illos anathemate mulctatos magis con-
tra se exasperavit.

Ita querimonias suas ad Papam de-
ferre coactus, ab eo litteras obtinuit ad
Decanum & Archidiaconum Barenses,
atque ad Doctorem Ferrium Canonicum
Lingonensem missas, quibus eis præcipi-
tur, ut anathema ab Archiepiscopo pro-
nunciatum, ubicunque idoneum censue-
rint, promulgari, & civium, nisi se submit-
tant, proventus, æs alienum, cæteraque
bona tam in nundinis, quam alibi, ubi-

Sæcul.XIII. cunque inventa fuerint, occupari current,
A.C.1235. ac denique ad subigendam eorum perti-
naciam profanæ potestatis opem, si ne-
cessere sit, implorent. Dabatur epistola
3. Octobris anno 1235. sed effectus ejus
nescitur.

to. XI. conc.
p. 501.

Episcopi provinciæ Metropolitani sui
rationibus consulebant, ut appareat ex
decreto concilii, quot Quintinopoli eo-
dem anno postridie Festi S. Magdalena
23 Julii habebatur. Ibi præsidenti Ar-
chiepiscopo Remensi assidebant sex Epi-
scopi, Suessionensis nimirum, Laudunen-
sis, Catalaunensis, Noviodunensis, Sylva-
nectensis, & Tarvannensis: cæteri qua-
tuor, Ambianensis, Atrebatenensis, Torna-
censis, Cameracensis, omniumque provin-
ciæ Ecclesiarum Cathedralium Collegia
Legatos illuc miserant. Id concilium
declaravit Ecclesiam violatam esse in pun-
ctis pluribus. Erant vero sequentia.

Proscriptio Thomæ Bellomesij Cano-
ni Remensis. Occupatio bonorum Ca-
thedralis Collegii Suessionensis, Regis no-
mine facta. Repulsa ab eo data petenti
jura, quæ vocant Regalia, novæ ad Do-
minam nostram Suessionensem Abbatisæ,
cujus electionem Episcopus ratam ha-
buerat; inhibitio, ne hic illi solenni ritu
bene precaretur; ac direptio reliquiarum
vasorumque sacrorum hujus coenobii a
Prætore Regio perpetrata. Rex, inqui-
bant,

bant, nos jubet in curia profana litigare Sæcul. XIII.
cum hominibus ab Ecclesia proscriptis. Vult, A.C. 1235.
ut Ecclesiastici singulari duorum certami-
ne demonstrent se mancipiorum dominos esse.
Ad causam Ecclesiarum Remensis quod atti-
net, Rex illam judiciis ab Archiepiscopo ex
Summi Pontificis autoritate contra cives la-
tis relinquere sine inquisitione rationum ana-
thematis debet, atque nulla earum cognitione
inita Archiepiscopo auxilium, si invocetur,
ad compensandas injurias a civibus ei il-
latas subministrare. Sed Archiepiscopi non
est suis civibus & clientibus beneficiariis,
jurisdictioni suæ obnoxiiis de homicidio vel
alio crimen sibi adscripto in Regia curia
respondere. Denique Concilium Quinti-
nopolitanum voluit, ut Episcopi ei assi-
stentes ipsimet una cum Legatis Collegio-
rum Cathedralium proximo Sabbatho
Regem adirent, Concilii nomine ei rem
exposituri, ac deinde die Dominico post
Festum S. Petri ad vincula Compendii i-
dem argumentum tractarent.

Congruenter huic decreto Archiepis-
copus ac sex Episcopii Melodunum ad
Regem S. Ludovicum profecti die octava
S. Magdalene 29 Julii an. 1235. de omni-
bus punctis memoratis apud eum disser-
nuere. Reposuit ille, se consilium de his
initurum, eosque decimo quinto die post
Assumptionem Beatissimæ Virginis rur-
sum Meloduni comparere jussit. Con-

P 5 sentie-

Sæcul. XIII. sentiebant Episcopi; sed jam tum de duobus punctis nempe de causa Ecclesiæ Remensis ac de proscriptione Thomæ Bellocensis Regem monuere. Concilium die Dominica 5 Augusti Compendii denuo sociatum tribus Abbatibus injunxit, ut die lunæ post Exaltationem S. Crucis 17 Septembris tertia Regem admonitione perurgerent. Et interea Sabbatho ante Nativitatem B. Virginis 1. Septembris ipsimet Episcopi ad S. Dionysium delatæ secunda Regi commonitione institerunt.

Marlot.
p. 521.

§. LfII.

Querelæ Gallorum contra Ecclesiasticos.

*Preuv. lib.
Gall. c. 7.
n. 7.*

Tum Franciæ Optimates apud Pontificem Maximum de Præsulibus ac Ecclesiasticis querebantur. Epistola continet nomina plurium quam triginta, quorum primi sunt Hugo Dux Burgundiæ, Petrus Britanniæ Comes, Hugo Comes Marchiæ, & Amaurius Comes Montfortius, supremus militaris rei Gallicæ Præfectus. Hi dicunt Papæ: *Quamvis Rex, & Majores ejus nostrique semper Ecclesiæ jura fideliter conservaverint, qua in re sollicitate eos imitamus: nunc tamen Præsules, carterique Ecclesiastici contra Regem per nova molimina insurgentes, obsequia longo tempore ei & antecessoribus ejus præfita recessant,*